

Di Sekitar Pergerakan Muḥammad ṣallā Allāhu ‘Alayhi Wa Sallam

Di tengah-tengah pergolakan masyarakat Arab yang kacau-bilau, darah sentiasa mengalir ke bumi. Maka pada 23 April 571 Masihi bersamaan dengan 12 Rabi‘ al-Awwal dilahirkan Muḥammad ᷃allā Allāhu ‘alayhi wa sallam. Setelah mencukupi umurnya 40 tahun iaitu kira-kira 610 Masihi Muḥammad (S.A.W) ᷃allā sallam mencetuskan akidah keesaan Allah *Subḥānahu wa Ta‘ālā* kepada seluruh umat manusia dan mengajak mereka ke arah persamaan hidup dan perdamaian yang kekal abadi dalam menuju kebahagiaan hidup dunia dan akhirat.

(Oleh: Muhammad Kamil Haji Abdul Majid)

Biar pun pada mulanya Muḥammad (S.A.W) berkeseorangan dengan ajarannya namun dalam jangka yang paling singkat sekali dia telah dapat mempengaruhi segolongan kecil dari kaumnya daripada golongan marhaen, bangsawan, *reactioner* dan tidak kurang juga dari golongan kaum intelek masyarakatnya untuk sesama membahu dalam mendukung pergerakannya itu.

Bagi melicinkan perjalanan ini beliau telah menjadikan rumah al-Arqam ibn Abī al-Arqam sebagai markas atau pun pusat penerimaan ahli-ahli baru dan juga sebagai tempat pengajaran perkara-perkara yang ada sangkut pautnya dengan Islam.

Pergerakan begitu suci yang dianjurkan oleh beliau itu adalah menimbulkan reaksi kemarahan dan usaha-usaha tindak balas dari pembesar-pembesar Quraisy serta mendapat tentangan hebat pula dari segenap lapisan masyarakat. Ini adalah lantaran sikap beliau yang mencela, mencerca dan merendah-rendahkan datuk nenek moyang mereka yang dahulu serta tuhan yang mereka sembah

berikutannya mereka telah menawarkan kepada Rasulullah (S.A.W) pangkat dan harta supaya beliau menghentikan sahaja propagandanya itu. Setelah mendengar tawaran yang sedemikian beliau dengan tegas menjawab “Aku diutuskan bukannya untuk mengumpulkan kemewahan dan kelazatan dunia, tetapi aku diutus untuk menyampaikan risalah Tuhan dan meninggikan kalimah-Nya.” Di samping itu pernah juga beliau membuat penegasan walaupun matahari dan rangbulan¹ diletak di sampingnya namun dia tetap dengan pendiriannya tidak akan meninggalkan pergerakannya.

Dari sikap kelakian-kelakian yang ditunjukkan oleh Muḥammad (S.A.W) itu makin menebalkan lagi karat-karat dan lumut-lumut kemarahan mereka itu terhadap pergerakan tersebut. Maka dengan secepat mungkin mereka telah mengambil tindakan kekerasan terhadap siapa sahaja yang mendukung dan bersimpati dengan cita-cita pergerakan yang dipelopori oleh Muḥammad ini.

Walau bagaimana besarnya kezaliman

yang ditimpakan ke atas mereka namun bagi Mukmin sejati — bukan emas sepohon — hanya merupakan sebagai batu ujian terhadap iman yang telah sedia bertapak di bumi hati mereka. Mereka itu makin kuat dan kemas dengan pegangan mereka tanpa mengira kezaliman dan penyeksaan yang didatangi terus-menerus, bertubi-tubi dari kaum kafir. Buat diri Muḥammad (S.A.W) sendiri beliau pernah diancam dengan seribu ancaman dan dipulau dari masyarakat umum, ditahan perbekalan harianya di samping ejekan-ejekan yang ditimpakan ke atasnya. Semuanya itu adalah menambahkan keteguhan dan kejapnya pegangan Mukmin semata-mata.

Muḥammad (S.A.W) amat merasa terharu tatkala melihat penderitaan yang ditanggung oleh pengikut-pengikutnya sedangkan beliau sendiri tidak sanggup mempertahankannya. Maka beliau telah mengambil keputusan supaya sekumpulan dari pengikut-pengikutnya itu berpindah dengan segera ke Habsyah demi menjaga keselamatan mereka sambil berkata “Baiklah kamu

¹ Perkataan sebenar ialah rembulan.

berpindah ke Habsyah kerana di sana rajanya adil tidak pernah menganiayai, rakyat baik hati. Pindahlah kamu sementara Tuhan melapangkan kesusahan yang kamu derita."

Pengaruh ajaran pergerakan ini kian hari kian melebar. Berikut pula dengan pihak pemerintah mengawasi betul-betul setiap langkah perjalanan untuk melenyapkannya dari bumi ini dengan mengambil tindakan bahawa Muhammad (S.A.W) bersama pengikut-pengikutnya tidak dibuat bicara langsung, perbekalan harian mereka diputuskan, dijalankan sekatan-sekatan ekonomi dan perkahwinan tidak dapat dijalankan dengan kabilah-kabilah lain.

Hampir tiga tahun keadaan itu berjalan. Muhammad (S.A.W) bersama-sama pengikutnya tersingkir jauh dari masyarakat sekitarnya. Rintihan anak-anak kecil akibat kebuluran menusuk jiwa telah mulai kedengaran. Mereka sering kali dizalimi dan dicabuli kehormatan mereka. Maka pada tahun 622 Masihi

pemimpin gerakan ini sekali lagi memerintah agar penyokong-penyokongnya berhijrah ke Madīnah al-Munawwarah dan beliau pun turut sama berpindah. Di sana beberapa golongan telah sedia menyambut kedatangan dan menunggu ketibaan mereka. Perpindahan ini bukanlah bererti bahawa umat Islam telah mulai merasa kecut dan lemah di dalam menghadapi kekerasan kaum kafir dan bukan juga bererti mereka telah tidak mempunyai kesanggupan untuk mengorbankan

jiwa mereka tetapi perpindahan ini adalah merupakan satu taktik perjuangan yang paling bijak dan memang wajar bagi menjaga kepentingan perjuangan mereka. Ya! Andai kata Rasulullah *ṣallā Allāhu ‘alayhi wa sallam* tidak memilih jalan yang seeloknya maka sudah pasti jiwa penganutnya akan tercabut dalam jangka yang paling singkat sekali dan berertilah bahawa ajaran Islam akan lenyap sebelum terkenal di mata umum.

Tugas utama yang dipikul oleh Muhammad (S.A.W) di saat permulaan hijrah ialah menyatu-padukan antara kaum Muhajirin dan Ansar. Dalam melaksanakan tugas ini beliau telah berjaya menyimpulkan tali persaudaraan silaturrahim yang paling erat antara kedua pihak sehingga telah menjadi sebagai saudara sekandung saling kasih-mengasihi, hormat-menghormati, bantu-membantu dan bagi pihak Ansar pula sanggup mengadakan segala keperluan saudaranya kaum Muhajirin baik harta benda, tempat kediaman, dan pernah dikatakan jika perlu sanggup pula menceraikan salah satu dari isterinya untuk dikahwinkan dengan orang Muhajirin.

Berkat dari persaudaraan yang begitu erat dan diikat kemas itu memberi motif kepada Muhammad (S.A.W) untuk membentuk sebuah kerajaan yang berdaulat mempunyai dasar-dasar undang-undang yang konkret. Kerajaannya dewasa itu adalah sebuah pemerintahan yang paling model, cukup dengan sistem-sistem

ekonomi, politik, kemasyarakatan pentadbiran dan segenap aspek yang bersangkut paut dengan kehidupan masyarakat manusia. Jauh bezanya dari pemerintahan-pemerintahan yang lain. Di dalam menjalankan pemerintahan ini beliau telah menjadikan mesyuaratnya sebagai teras demokrasi tulen yang mana belum pernah dicipta dan dijalankan oleh mana kuasa-kuasa pun sebelum dan selepasnya.

Kini gerakan yang dipimpin Muhammad (S.A.W) telah mendapat tapak untuk berpijak guna menyusun barisan ketenteraan. Berikutnya suatu mandat baru telah diserahkan oleh Tuhan supaya menentang sebarang anasir subversif dan kekerasan dari pihak musuh. Kalaulah dahulu umat Islam merupakan biji-biji bola yang dapat dipermainkan ditendang dan disepak maka kini dia merupakan seekor harimau yang garang sedia menerkam lawan yang mana telah melumpuhkan perdagangan pihak seteru. Bukan setakat itu sahaja malah telah sanggup pula melakukan penggempuran terhadap kuasa-kuasa besar Romawi dan Parsi yang cuba melahirkan gejala-gejala buruk terhadapnya. Dari sebab demikian itu kaum kafir telah mulai menyedari sejauh mana kekuatan dan hakikat kegagahan Islam.

Selama hayat dikandung badan Muhammad (S.A.W) telah menempuh 27 kali peperangan sengit dan hebat. Peperangan demi peperangan berlaku... akhirnya pada tahun yang kedelapan

- Hijrah bersamaan 630 Masihi dengan meninggalkan jasa-jasa bakti yang j) sebuah negara yang paling Muhammad (S.A.W) bersama angkatan tak luput di ingatan dunia seluruhnya.
- tenteranya telah dapat menawan kota Selama dua puluh tiga tahun
- Mekah tanah ibunda tumpah darahnya pergerakan tersebut berjalan
- yang tercinta dan tempat tumbuhnya di atas onak dan duri dengan d)
- pengajaran Islam tanpa mengalirkan menyusun masyarakatnya, membersihkan tauhid dan mendirikan pemerintahan
- walau setitik darah pun. Maka berdasarkan keadilan dan
- Mekah pun jatuh ke tangan kerajaan kemakmuran juga persamaan
- Islam. h) Persamaan hidup tanpa
- Sesudah beberapa tahun Muhammad hidup didirikan tanpa mengira
- (S.A.W) mengendalikan pergerakan itu warna kulit dan bangsa kasta dan
- bersama-sama penyokong-penyokongnya dengan pahit golongan maka dia telah dapat
- maung dan lantaran hidup menghasilkan:
- bukan kerana doa dan mati bukan a) sebuah pemerintahan yang
- kerana sumpah maka pada 13 Rabi' berdasarkan keimanan.
- al-Awwal tahun kedua belas Hijrah b) sebuah kerajaan demokrasi
- bersamaan dengan 632 Masihi yang pertama sekali dengan
- beliau telah menyahut panggilan Ilahi secara permesyuaratan.
- ringkas berfaedah kepada umat Islam
- di dalam menghadapi perjuangan hari
- ini bersempena dengan hari
- kelahiran Muhammad *sallā Allāhu 'alayhi wa sallam*.



Selepas menyampaikan hadiah kepada pemenang-pemenang penjual buku yang terbaik di Dewan Bahasa dan Pustaka Tuan Syed Nasir bin Ismail (nombor tiga dari kiri) bergambar bersama-sama dengan tuan-tuan punya kedai buku yang memenangi hadiah-hadiah itu. Penjual-penjual buku yang terbaik ialah: Kedai Buku Malim Sutan di Kedah, Pustaka Antara di Kuala Lumpur dan Pustaka Melayu Baru di Kuala Lumpur.